



**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilman

Coloniae Agrippinae, 1592

VD16 B 7378

3. De visione cuiusdam, qui commissorum pœnitenti[am] differens,
moriturus, vidit dæmones codicem adferentes, in quo omnia sua peccata
conscripta inuenit.

[urn:nbn:de:hbz:466:1-65002](https://nbn-resolving.de/urn:nbn:de:hbz:466:1-65002)

854 COLLATION. SACRAR.
pro nobis ista, non pro se viderit, ut eius visio
nobis proficiat, quos adhuc diuina patientia
longanimer exspectat. Nam illi terros spiritu
tus ante mortem vidisse, & inducias peccatum
quid profuit, qui easdem inducias, quas petuit,
non accepit? Nos ergo, fratres charissimi, nunc
sollicitè ista cogitemus, ne nobis in vacum
tempora pereant, & tunc queramus ad bene
agendum viuere, cum iam compellimur de
corporē exire.

Ven. Beda lib. 5. cap. 14. Historia Anglicana. De ri-
fione cuiusdam, qui commissorum penitentium dif-
ferens, moriturus, vidit daemones codicem adseren-
tes, in quo omnia sua peccata conscripta erant.

CAP. III.

Fuit quidam in prouincia Merciorum, cui
ius visiones ac verba & conuersatio plu-
rimis, sed non sibi meti ipsi profuit. Fuit autem
quidam temporibus Coenredi, qui post Edil-
edium regnauit, vir in laico habitu atque of-
ficio militari positus, sed quantum pro indu-
stria exteriori regi placens, tantum pro inter-
na suimet negligētia displicens. Admonebat
ergo illum sedulō, ut confiteretur, & eme-
daret, ac relinquenter scelerā sua, priusquam
subito mortis superuentu tempus omne pce-
nitendi & emendandi perderet. Verū ille,
licet frequenter admonitus, spernebat verba
salutis, seseq[ue] tempore sequenti peniten-
tiā acturum esse promittebat. Inter h[oc] ta-

etus

aus infirmitate decidit in lectum, atque acris
cepit dolore torqueri. Ad quem ingressus
tex, (diligebat enim eum) multum hortabat-
ur, ut vel tunc antequam moreretur, pœnitē-
tiam ageret commissorum. At ille responde-
bat: Non se nunc velle confiteri peccata sua,
sed cum ab infirmitate resurgeret, ne forte ex-
probrarent sibi sodales, quod timore mortis
faceret ea, quæ sospes facere noluerat. Forti-
ter quidem ut sibi videbatur locutus, sed mi-
serabiliter, ut postea patuit, dæmoniaca frau-
de seductus est. Cumque morbo ingrauescen-
te denuò ad eum visitandum ac docendum
tex intraret, clamauit statim miserabili voce:
Quid vis modò? Quid hic venisti? Non enim
mihi aliquid utilitatis aut salutis potes ultra
conferre. At ille: Noli, inquit, ita loqui, vide
ut sanum sapias: Non, inquit, insano, sed pes-
simam mihi conscientiam certus præ oculis
habeo. Et quid, inquit, hoc est? Paulò ante, in-
quit, intrauerunt domum hanc duo pulcher-
tissimi iuvenes, & residerunt circa me, unus ad
caput, & unus ad pedes. Protulitque unus li-
bellum per pulchrum, sed vehementer modi-
cum, ac mihi ad legendum dedit, in quo om-
nia, quæ vñquam bona feceram intuens scri-
ptareperi, & hæc erant nimium pauca & mo-
dica. Recepérunt codicem, neque aliquid mi-
hi dicebant. Tunc subito superuenit exercitus
malignorum & horrendorum vultus spitiuum,

Nn 7 domum-

856 COLLATION. SACRAR.
domumque hanc & exterius obsedit, & intus
maxima ex parte residens impleuit. Tuncille,
qui & obscuritate tenebrosæ faciei & priuatu
sedis maior esse videbatur eorum, proferens
codicem horrendæ visionis, & magnitudinis
enormis, & ponderis penè importabilis, iussit
vni ex satellitibus suis mihi ad legendum de-
ferri. Quem cùm legissim, inueni omnia sce-
lera, non solum quæ opere vel verbo, sed enā
quæ tenuissima cogitatione peccavi, manife-
stissimè in eo tetricæ esse descripta literis. Dic-
batque ad illos, qui mihi assederant, viros al-
batos & præclaros: Quid hic sedetis, scientes
certissimè, quia noslē est iste? Responderunt:
Verum dicitis, accipite, & in cumulum dam-
nationis vestræ ducite. Quo dicto statim dis-
paruerunt. Surgentesque duo nequissimi spi-
ritus habentes in manib[us] furcas, perculserūt
me, unus in capite, & aliis in pede. Qui videlicet
modò cum magno tormento irrepunt mea
viscera in interiora corporis mei, moxque ad
inuicem peruenient, moriar, & paratis ad ra-
piendum me dæmonibus in inferni claustra
pertrahar. Sic loquebatur miser desperans, &
non multò post defunctus penitentiam, qnā
ad breue tempus cum fructu venia facere su-
persedit, in æternum sine fructu penitus subdi-
tus facit. De quo constat, quia (sicut beatus
Papa Gregorius de quibusdam scribit) non
prose ista, cui non profuerit, sed pro aliis vide-
it,

nit, qui eius interitum cognoscentes, differre tempus pœnitentiae, dum vacat, timerent, ne improviso mortis articulo præuenti, impœnitentes perirent. Quod autem codices diuersos per bonos siue malos spiritus sibi vidit offeri, ob id superna dispensatione factum est, ut meminerimus facta & cogitationes nostras non in ventum disfluere, sed ad examen summi iudicis cuncta seruari, & siue per amicos angelos in fine nobis ostendenda, siue per hostes. Quod vero prius candidum codicē protulerunt angeli, deinde atrum dæmones, illi perparuum, isti enormem, animaduertendum est, quod in prima ætate bona aliqua fecit, quem tamen vniuersa prauè agendo iuuenis obnubilauit. Quod si econtrariò errores pueritiae corrigeret in adolescentia, ac beneficiando à Dei oculis abscondere curasset, posset eorum numero sociari, de quibus ait Psalmus: Beati, quorum remissæ sunt iniquitates, & quorum testa sunt peccata. Hanc historiam sicut à venerabili antistite Pechtelmo didici, simpliciter ob salutem legentium siue audientium, narrandum esse putavi,
Venerab. Beda lib. 5. cap. 15. historiae Anglicanæ. De quodam, qui ad castigationem vitam conuersti different, licet sepius admonitus, vidi deputatum sibi apud inferos penarum locum.

C A P. IV.

Noui ipse fratrem, quem vtinam non nossem,